6/23/2017 Sans Italic UDHR - Dendi

Universal Declaration of Human Rights - Dendi

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, http://www.unicode.org/udhr.

ÃDUNIYA KULU BORO DAAMA BEIYANIYOM

SENNI ZIIGO

Ka simma nna buricinitεrε ka n bɔrɔ ηwεnε iyaali bei nna daama duuri ka bɔrɔ fɔ su hini ka hoŋu n sε ya bara bɔŋɔ duuri nna laakari kaniyom ãduniya kuna,

Ka simma nna ka bɔrɔ daama duuri bara hɛi fɔ ka sariya hima a ma cɛruma ka bɔrɔ mɔrani nna tilaasi guruje nna mɛiyom bɛrɛkɛtɛ nna kwɛnɛ bɔrɔ futu,

Ka simma nna naane ka ãduniya zamaa sariya nyâ dam daama duuri ga buricinitere nna bɔrɔ jirima bɔŋɔ nna kwɛnɛ daama ka a gono weibɔrɔ nna harubɔrɔ ciyom afɔ gonouom kuna,

Ka simma nna ka binε a hima gɔ rɔkasinε hɛnnɔ ma gono ganna nna ganna ηmaaniyo binni n hãnu kulu mɔɔjinε kweiyom dirɔu ga,

Ka simma nna ka ãduniya zamaa diya mariga beeri, tabataniyom mεεfo ceejiyom ka n baa ãduniya ganna zamaa kulu ma tɔ daama duuri hini ga nna a zaamani safu ηwaani ηwaani ka n damyom nna daama duuri ko ga a jirimani ko beiyom tɔntɔni ceeji a bɔŋɔ,

Ka simma nna ka ãduniya zamaa marga beeri tutu ka nŋayo ba mɛɛ cinɛyo kulu cii kawa bɔrɔ ŋwɛnɛ ãduniya daama duuri hini qa,

Ka simma nna ka mɛɛcinɛyo cimaniyo ya ba nam daama duuri gweiyo ma dira dei-dei,

ãduniya zamaa marigã beiyani bɔrɔ ηwɛnɛ daama duuri ãdininya kuna gwei cirici ka a hima zaamani an kokari kǎ ci tɛɛntɛ n ηmaarɛ ba mani za couyom hini kuna beiyom ceejiyom, ga, bɔrɔ kulu ma mɛɛ cinɛ di ci a ηwɛnɛ ganna zamaayom kulu mɔ ma duwa ka qeeri tila cirici wɔ qa. Za ganna ηmaani ηmaaniyom kuna hali an to ãduniya zama kulu.

ASARIYA SINTE (1)

Aduniya kuna n gu ibuna damayo hei no dei-dei nn daama nna n burucinitere fo, n lasabu nna laakari ya nam nn mo huro cere kuna nyanze tere bonoo.

ASARIYA HINKANTE (2)

Baa mεi hima a ma gonna daama nna bɔŋɔɔ mεiyom zaŋa ka daama bei beiyaniyom mεε cinε na a siriyani dimi fisɔu yo ma sii. A sii nna n ma ci wɔ nɔ gaa kwaarε wɔ nɔ gaa bii wɔ nɔ weibɔrɔ wɔ nɔ harubɔrɔ.

A sii nna cinɛ fisɔuyom; a sii nna adiini fisɔuyom a binɛ sii nna siyasa fisɔuyom.

ASARIYA HINZANTE (3)

Bɔrɔ kulu gonna hunayom nna bɔηɔɔ mɛiyom nna bɔηɔɔ naanɛyom daama.

ASARIYA TAACINTE (4)

Boro fo na hima an ci boro fo se tam dee bine n ma mooriya berekete. A ganna no n honu tamtere nna mooriyayom berekete ba hini fo qa.

ASARIYA GUNTE (5)

N su bɔrɔ fɔ wahalani, n su ga cεεnani n binε su ga kamani.

ASARIYA IDDUNTE (6)

Sariya ganna baa mani bərə gono a hima an saria ganna.

ASARIYA IYENTE (7)

Iri kulu afɔ sariya mɔjinε ya nɔ binε sariya di gu iri kulu cεruma.

ASARIYA AIYAAKUNTE (8)

Batume gono bamei se dee boro na sariya daali n ma cee goosi sariyayo di mojine ka yii ko beiyom.

ASARIYA EGANTE (9)

Hini sii bɔrɔ fɔ sɛ a ma hacinɛ dii ka daabu ɔu a ma gɛi, dee binɛ a ma kaa kwaara ka na cii taalifɔ bɔηɔ.

ASARIYA WEINTE (10)

Hini gono bamεi sε an goosi cε; goosi ka a ba hini ka a nɔ cimi ɔu a ma tãgarani a daama nna a tilasi bɔ̃ηɔ.

ASARIYA WEICINIFONTE (11)

- 1. Ba n taali damyom nga se goosi ma a ciba n faaba kwε yo mɔjinε n ma du ka n ci taali kwε.
- 2. A sii na n ma bɔrɔ nɔ taali daa fɔ bɔŋɔ ka sariya dom na a jisi. Ya nɔ binε hãŋa gunguyom ka a bisa sasariya sii. Sariya zaka ya hima hãŋa gunguyom.

ASARIYA WEICINI HINKANTE (12)

Bɔrɔ fɔ su mɛɛ dam bɔrɔ fuu senni kuna bɛrɛkɛtɛ. Ya nɔ binɛ bɔrɔ fɔ sii nna a ma haŋasinɛ jirima zobu. Sariya bamɛi cɛruma nna alaamari zaṇa yayo.

ASARIYA WEICINI HINZANTE (13)

- 1. Daama gono bamεi sε a ma kwei nuηu ka a baa kulu.
- 2. A ma gɔrɔ kwaara ka a sawayom a sε a ma tunu saa ka a binε baa.

ASARIYA WEICINI TAACINTE (14)

- 1. Bamεi ka sanani na n qaari n kwaara kuna daama qono n sε n ma qana kwaara ηwaani ka hini ceeji n ma n ta yoo.
- 2. Daama di su go n daabu dee a bara nna bərə wii əu binɛ daa bɛrɛkɛtɛ fə yo ka ãduniya zamaa mariga beeri hoŋu.

ASARIYA WEICINI GUNTE (15)

- 1. Bamɛi kulu hima a ma gonna dimi.
- 2. N su hini ka hoηu bɔrɔ sɛ a dimi takii bɔηɔ.

Asariya weicini iduntε (16)

- 1. Dee bɔrɔ kǎ tɔ balaga a sii nna ma dimi nna adiini fisɔu wei nna haru sε domi daama fɔ di nɔ n kulu gonna za n hiije waati hali n fefeiyom saa.
- 2. N su hini ka hiije hou ka a na ci nna n boro hinka kulu bakasine.
- 3. Iyaali ya bara zaamani safu ci cirici a ganna nɔ gominanti ga a cɛruma.

Asariya weicini iyentε (17)

- 1. Bamεi, n bɔηɔˇ fɔ nɔ, noo zamaa nɔ, daama gono wɔ gonna duuri.
- 2. A sii n ma bɔrɔ gaŋa a duuri takii bɔŋɔ.

Asariya weicini iyaakunte (18)

Bamεi kulu gonna daama lasabu, ga, diayom kuna nna adiini ganayom ga n binε ba hini ka baaru n bɔŋɔ fɔ ɔu noo zamaa ko ga loo zaŋa ka a sawa noo sɛ.

Asariya weicini εgantε (19)

Bamei kulu gonna lasabu nna senni daama. A se ganna no boro su ba heifo senni ou lasabu ko dirigoyom hei ka a bine ba senni kulu hini ka sei ba mani.

Asariya warankantε (20)

- 1. Bamɛi kulu qonna kummayom nna iqwe kuna qonoyom daama.
- 2. N su bɔrɔ tilasi igwε fɔ kuna wuroyom.

Asariya waranka cinifonte (21)

- 1. Bamεi gonna daama a ma wuro a kwaara senni kuna a bɔŋɔ ɔu a barani ka a fisɔu.
- 2. Bamεi kulu afɔ bɔηɔ gonna daama a ma gwei tε a kwaara gominanti sε.
- 3. Hei ka zamaa zaa ya bara kwaara yiiko. Zaayom di mo bara ka nna a tete biri.

Asariya waranka cini hinkantɛ (22)

Ni ka kulu n gono zamaa kuna hima no n ma gonna zamaa di naane daama. A ma du kŏ bara n bukaata mŏ biyayom zaa almani nna taadayo daama duuri hini ga heiyo wo kulu nna kwaara zaama gaabi nna bine goro ka sine heinno kwarayo ŋwene alkawali hini ga. Ka simma nna zaŋa ka mete yaasi kwaara fo fo na ŋwene almani siriyani.

Asariya waranka cini hinzante (23)

- 1. Bamɛi gonna daama a ma gwei ka ă baa fisɔu. Ya nɔ binɛ n ga a cɛruma nna gwei zaŋɛi.
- 2. Bamɛi munaafinsi baasi gonna gwei ka n tɛ banayom daama.
- 3. Ni ka n gwei te kulu gonna banayom dei-dei daama ka a ba to ni n ma n ŋwene iyaali koto nna beere boŋo.
- 4. Bamεi gonna daama a ma gweiteeriyo zogi taayom igwε safu jisi a binε ba hini ka a bɔŋɔ dam a fɔ ŋwaani ku na a bɔŋɔ bukaata fansayom ganna.

Asariya waranka cini taacintɛ (24)

Bamɛi gonna gwei hinanzobu nna hɔɔrɛ daama gwei kɛiyaniyom zaka nna gwei hinanzobu kuna banayom saa nna saa.

Asariya waranka cini guntɛ (25)

- 1. Bamɛi gonna jisiri daama ka a ba hini ko ga ηwɛnɛ alaafia nna a iyaali kulu cɛruma nna, zaa ηwaari, taafɛ, fuu nna baabuyom. Dee a bara sariti ya du ni ɔu binɛ gwei ya sara musiiba ya na n zeeri, zeenɛ nɔ, dee binɛ arooba fɔ ka a na ci n saabu a bara tilasi n ma duwa tɛɛ mako daama.
- 2. Wei kunu kweiyo, koo ŋwɛɛrayo gonna tɛɛmako nna kulayom daama. Koo kulu ka nna hɛi hiije bɔŋɔ, ka du ka nam nŋa ka n hɛi hiije si bɔŋɔ nn kulu gonna kulayom daama.

Asariya waranka cini iduntɛ (26)

- 1. Bamεi gonna couyom daama. Couyom di ma du ka bara tilasi faala bɔŋɔ za coubugu cεεnε ka kwei sasa wantεyo kammε gwei dendeniyom coubugu nŋa cεrε hima n ma feeri bamani. Coubugu beeri n ma nŋa feeri nuŋu ka a hima.
- 2. Couyom di ma bara heifo ka a moo feeriyom nna jiri ma nufi daama duuri hini ga a ma ci saabu suuru nna kwaasitere ma tee dimiyo nna adiiniyo binni laakari kaniyom nna wadaata ma te bamei se.
- 3. Nyaa nna baabe qonna daama n ma couyo ka n baa fissu n kõyo se.

Asariya waranka cini iyentε (27)

- 1. Bɔrɔ kulu gonna daama a ma wuro a dimi taada kuna ka a hukumsi.
- 2. Bamɛi gonna daama taadayo kuna a ma a kaayom taago liiba ŋwaa; tila kaayom nɔ, ɔu hɔɔrɛ taagɔ.

Asariya waranka cini iyaakunte (28)

Bɔrɔ kulu gonna daama a ma tε hεi ka kwaara nna kwaara binni, nuηu birijiyom ma si. Laakari kaniyom nna bɔŋɔ mεiyom mo gono zaŋa ka nna beiyani bɔrɔ ãduniya daama tila kuna a ma duka bara mɔɔriyantε.

Asariya waranka cini ɛgantɛ (29)

- 1. Bərə qonna tilasiyo zamani ka kuna a qono. Zamani di ka kuna a fələnku bərə tere nna a jirima hini ka te.
- 2. A daama nna a bɔŋɔ mɛiyom looyom kuna nɔ sariya tikitɛ a sɛ a ma duwa ko bɔrɔ cinniyo daama nna n bɔŋɔ mɛiyom bei n sɛ. Macɛrɛsɛ mo gono bamɛi sɛ.
- 3. N su ba hini ka daama nna bɔŋɔ mεiyo di loo ka na cii zaŋa ka yaasi ᾶduniyakwaara diyayo marigayom na a jisi.

Asariya waranzantε (30)

Beiyaniyom wɔ looyom ga siriya fɔ sii ka a ba nam kwaara fɔ su safu fɔ dee binɛ bɔrɔ ma tunu ka kɔɔnɛ ko ceeji gãnna zamaa ma daama duuri nna bɔŋɔ mɛiyom di ka n dam tila kuna saabu.